



# Dwa W Pou W Gen Reprezantan

Ou kapab fè yon reprezantan, tankou yon avoka, ede w lè w ap fè biznis ak Sekirite Sosyal. Nou va travay ak reprezantan w lan menm jan nou ta va travay avè w.

Pou pwoteksyon w, reprezantan w lan pa kapab fè w peye oswa pran kòb nan men w san li pa jwenn otorizasyon ekri nan men nou anvan. Mentou, reprezantan w lan k ap asepte lajan nan men w a lavans toutotan lajan an se sou yon kont garanti oswa yon kont twazyèm pati li ye.

Oumenm ansanm ak reprezantan w lan reskonsab pou banou bon jan enfòmasyon. Li ilegal pou fè espre bay fo enfòmasyon volontèman. Si w fè sa, nou k ap pouswiv ou devan lajistis.

## Sa yon reprezantan kapab fè

Yon fwa ou nonmen yon reprezantan, li kapab aji pou wou nan pi fò koze Sekirite Sosyal tankou:

- Pran enfòmasyon nan dosye Sekirite Sosyal ou;
- Ede w jwenn dosye medikal ou oswa enfòmasyon pou soutni reklamasyon w lan;
- Akonpaye w, oswa vini nan plas ou nan nenpòt antrevi, konferans oswa odyans ou genyen avèk nou;
- Fè yon demand pou rekonsiderasyon, odyans oswa revizyon Konsèy Apèl la; epi
- Ede oumenm ak temwen w yo prepare pou yon odyans epi kesyone nenpòt temwen.

Epitou reprezantan w lan va resevwa yon kopi desizyon (yo) ke nou pran konsènan reklamasyon w lan (yo).

## Chwazi yon reprezantan

Ou kapab chwazi yon avoka oswa yon lòt moun ki kalifye pou reprezante w. Epitou ou kapab gen plis ke yon reprezantan. Mentou ou pa kapab chwazi kòm reprezantan yon moun yo te sispann oswa ki te diskalifye pou reprezante lòt moun devan Administrasyon Sekirite Sosyal oswa yon moun ki dapre la lwa pa kapab sèvi antan reprezantan.

Gen kèk òganizasyon ki kapab ede w jwenn yon avoka oswa ba w konsèy legal gratis si w kalifye. Gen kèk avoka ki pa fè w peye sof si ou resevwa benefis. Biwo Sekirite Sosyal ou gen yon lis òganizasyon ki kapab ede w jwenn yon reprezantan.

Ou kapab nonmen youn oswa yon gwooup moun nan yon fèm, kòporasyon oswa lòt òganizasyon kòm reprezantan w, men ou **pa kab** nonmen fèm nan limenm, kòporasyon an oswa òganizasyon an limenm.

Apre ou fin chwazi yon reprezantan, ou dwe **ekri** nou pou mete nou o kouran osito posib. Pou fè sa, pran Fòm SSA-1696-U4, *Appointment of Representative—Nominasyon Reprezantan*, sou sit entènèt nou nan [www.socialsecurity.gov](http://www.socialsecurity.gov) oswa nan nenpòt biwo Sekirite Sosyal.

Ou dwe bay non moun w ap nonmen an epi siyen non ou. Si moun nan **pa** yon avoka, li dwe, a lekri, bay non li; deklare ke li asepte nominasyon an; epi siyen fòm lan.

## Konbyen reprezantan w lan k ap fè w peye

Pou reprezantan w lan fè w peye yon kòb pou sèvis yo, dabò li dwe remèt nou yon akò oswa yon petisyon ki montre konbyen kòb l ap chaje.

Reprezantan w lan **pa** kapab fè w peye plis lajan pase sa nou apwouve a. Si oumenm oswa reprezantan w lan pa dakò avèk kantite nou apwouve a, nenpòt nan nou kapab mande pou nou tcheke sa ankò.

Yon reprezantan ki fè peye oswa ki kolekte kòb san noupa apwouve, yo kapab sispann li oswa diskalifye l pou l pa reprezante ankenn moun devan Administrasyon Sekirite Sosyal epitou nou kap pouswiv li devan lajistis.

## Anrejistre akò ki montre konbyen pou w peye

Si oumenm oswa reprezantan w lan gen yon antant lajan sou papye, reprezantan w lan k ab mande w pou w apwouve

I nenpòt lè anvan nou pran yon desizyon sou reklamasyon w lan. Abityèlman, nou va apwouve akò a epi nou va ekri w pou nou fè w konnen konbyen reprezantan w lan kap fè w peye toutotan:

- Nou tou lè de siyen akò a;
- Reklamasyon w la te apwouve epi li te vin abouti sou benefis yo te deja dwe w; epi
- Lajan ou antann ou an pa ka depase 25 pouzan benefis yo te deja dwe w yo oswa \$5,300, kèkelanswa sa ki pi pitit a.

(lòt bò a)

Dwa W Pou W Gen Reprezantan

Si nou pa apwouve akò lajan an, nou va ekri w ansanm ak reprezantan w lan pou nou fè nou konnen reprezantan w lan dwe ekri yon petisyon ki montre kantite lajan pou w peye.

## Anrejistre petisyon ki montre konbyen pou w peye

Reprezantan w lan dwe banou yon petisyon ki montre kantite lajan pou w peye lè li fin travay sou reklamasyon w lan (yo). Demand sa a ki dwe fèt a lekri ta dwe dekri an detay kantite tan li pase sou chak sèvis reprezantan w lan ba w. Reprezantan w lan dwe ba w yon kopi petisyon ki montre kantite lajan pou w peye a ak tout sa ki akonpaye l. Si w pa dakò avèk kantite lajan li mande a oswa enfòmasyon ki parèt la, kontakte nou nan 20 jou. Nou va konsidere valè rezonab sèvis reprezantan an epi nou va ekri w pou nou fè w konnen kantite lajan nou apwouve.

## Konbyen ou peye

Kantite lajan nou deside reprezantan an k ap fè w peye se sa ou k ap dwe pou sèvis li ba w menm si ou te dakò pou w te peye li plis. Mentou, reprezantan w la kapab fè w peye depans li fè limenm, tankou pou rapò medikal, san apwobasyon w.

Si se yon avoka ki reprezante w, abityèlman nou kenbe 25 poustan (jamè plis) sou benefis yo te deja dwe w pou peye sou lajan an. Nou peye avoka a nan lajan sa a epi nou voye rès lajan an ba w.

Pafwa ou dwe peye reprezantan an dirèkteman:

- Ou dwe peye rès sa ou dwe a si kantite lajan ki apwouve a plis ke lajan nou te kenbe pou nou te peye avoka w la.
- Ou dwe peye tout kantite lajan an si:
  - Reprezantan w lan pa yon avoka;
  - Benefis yo se Revni Sekirite Siplementè (SSI);
  - Nou pa te kenbe 25 poustan nan benefis Sekirite Sosyal yo te deja dwe w yo; oswa
  - Reprezantan w la pa te fè demand lajan an a tan eke nou voye ba w lajan nou te dwe kenbe a.

Ou dwe peye pou depans reprezantan w lan fè oubyen depans li k ap fè ak lajan nan pòch li (pa ekzamp, lajan pou jwenn dosye doktè w oswa dosye lopital ou).

- Se yon òganizasyon ki pa la pou fè pwofi oswa yon òganizasyon federal, leta, konte, oswa vil la ki va peye nenpòt kòb ak nenpòt depans nan fon gouvènman; epi
- Reprezantan w lan ba nou yon deklarasyon a lekri ke ou pa pral gen pou w peye ankenn frè oswa ankenn depans.

## Si w fè apèl devan tribunal federal pou reklamasyon w lan

Tribinal la kapab pèmèt yon frè rezonab pou avoka w la. Frè a abityèlman pa pral depase 25 poustan tout benefis yo te deja dwe yo dapre desizyon tribunal la. Avoka w la pa kapab fè w peye ankenn lòt frè pou sèvis devan tribunal la.

## Kontakte Sekirite Sosyal

Pou plis enfòmasyon ak pou jwenn kopi publikasyon nou yo, vizite wèbsayt nou nan [www.socialsecurity.gov](http://www.socialsecurity.gov) oswa rele nan nimewo telefòn gratis **1-800-772-1213** (pou malantandan oswa pou moun ki tande di, rele nan nimewo TTY nou, **1-800-325-0778**). Nou ka réponn késyon espesifik epi ba ou enfòmasyon nan sèvis telefòn otomatik 24 èdtan pa jou.

**Si w bezwen yon entèprèt** pou regle afè sekirite sosyal ou, n ap fè w jwenn youn gratis. Sèvis entèprèt yo disponib ni pou lè w ap pale avèk nou nan telefòn ni pou lè w vini nan biwo Sekirite Sosyal. Rele nan nimewo telefòn gratis nou **1-800-772-1213**. Si w pale yon lang ki pa Angle, peze 1 epi rete sou liy lan pou jouk lè yon reprezantan reponn. N ap kontakte yon entèprèt pou ede w. Si afè w la pa ka regle nèt nan telefòn, n ap pran yon randevou pou ou nan yon biwo lokal Sekirite Sosyal epi n ap aranje nou pou yon entèprèt (lang) la nan moman vizit ou a.

Yon reprezantan Sekirite Sosyal ka di ou ki benefis ki ka peye épí li ka pran yon randevou, si sa nesesè, pou ranpli yon fòm réklamasyon. Nou trete tout apèl yo avèk konfidansyalite. Nou Vle asire tou ou réséerva sèvis egzat ak koutwa. Sepou rézon sa a nou genyen yon dezyèm reprezantan Sekirite Sosyal pou kontwole kèk apèl telefonik.

## Si yon lòt moun peye reprezantan w lan

Menm lè yon lòt moun peye lajan an pou wou (pa ekzamp yon konpayi asirans), nou dwe apwouve lajan an sof si:

